

Jasna Duraković
Zastupnica SDP BiH

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r Ministarstva za obrazovanje, nauku i mlade KS

Sarajevo, 16.6.2020.godine

Zastupničko pitanje

Nedavno je Senat UNSA donio odluku, u vidu zaključka kojim se odobravaju dodatni julski i septembarški rokovi za polaganje ispita na svim fakultetima. Ono što je sporno ovdje je činjenica da ne može zaključak Senata UNSA derogirati ili staviti van snage odredbu Zakona o visokom obrazovanju u kojem su jasno propisani uvjeti polaganja ispita i rokovi koji se odobravaju studentima, zato što je Zakon opšti pravni akt, više pravne snage od odluke/zaključka Univerziteta. Novi rok može uvesti samo isti pravni akt/organ putem izmjena i dopuna Zakona o visokom obrazovanju a nikako odlukom Senata UNSA. Ovakav zaključak daje osnov da inspektori sankcionišu/kazne sve fakultete jer su odobrili ilegalni rok, dakle rokove koji nisu propisani Zakonom. U slučaju proglašenja vanrednog stanja (što kod nas nije bio slučaj, već je proglašeno stanje prirodne nesreće) ovakva odluka bi imala legitiman i opravdan osnov u kontekstu vanrednog stanja koje *de facto* podrazumijeva potpunu zabranu ili nemogućnost obavljanja redovnih poslova (nastava, nastavne i vannastavne aktivnosti, konsultacije, odbrane, ispiti i sl.)

Da li to znači, ako je Senat UNSA odlučio staviti na snagu ovaj zaključak o dodatnim rokovima, da za isti ima validno pravno uporište ili ne, jer se u obrazloženju ne navodi pravni osnov?

Zanima me da li postoji neki pravni osnov i ako on postoji da se isti navede i objasni zašto se ovo odobrava mimo zakonskih propisa?

Tražim pismeni odgovor od Ministarstva za obrazovanje, nauku i mlade.

Sarajevo, 16.6.2020.

Prof.dr. Jasna Duraković

Zastupnica SDP BiH

